

COMUNA DI SASSARI

OGGETTU: APPRUBAZIONI DI LU "REGURAMENTU PA' L'EREZIONI DIRETTA DI LU
PRESIDENTI E DI LU CUNSIGLIU DI LA MUNICIPALIDDAI" NOBU -

Sessioni *isthraord. urgenti* *cunvocationi* *primma* *seduta* *pubbbrigga*

L'annu duamiriavintunu la dí _____ dizennobi _____ di lu mesi di _____ ginnaggu _____

*in Sassari e i' la sara di l'adunanzi di lu Cunsigliu dabboi di l'avvisi, mandaddi sigundu lu reguramentu, s'è riuniddu lu Cunsigliu di chistha Comuna, **in modariddai terematica**, e so intervenuddi li Signori:*

	Pris. Ass.			Pris. Ass.			Pris. Ass.	
Alivesi Manuel	P	-	Di Guardo Grazia Rita	P	-	Panu Antonio	P	-
Andria Mariolino	P	-	Fundoni Carla	P	-	Pinna Fabio	P	-
Bisail Marco	P	-	Gavini Giambattista	P	-	Posadinu Teresa G.	P	-
Brianda Mariano G.A.	P	-	Ginesu Francesco	P	-	Profili Giancarlo	P	-
Campus GianVittorio (Sindaggu)	P	-	Luisi Christian	P	-	Rizzu Massimo	P	-
Carta Pasquale Antonio	P	-	Manca Marco	P	-	Serra Gian Carlo	P	-
Deiana Daniele	P	-	Masala Giuseppe	P	-	Sias Federico	P	-
Deiana Giuseppe	P	-	Mascia Giuseppe	P	-	Sini Enrico	P	-
De Martis Sofia	P	-	Masia Giovanni A.A.	P	-	Toschi Pilo Sebastiano	P	-
Demurtas Pietro	P	-	Murru Maurilio	P	-	Ventura Giommaria	P	-
Desole Andrea	P	-	Orunesu Virginia Lucia	P	-	Zallu Patrizia	P	-
Dettori Marco	P	-	Palopoli Giuseppe	P	-			

So presenti l'Assessori: Arru, Corda, Lugliè,
Masala, Lucchi, Meazza, Sardara e Sassu.
È assenti l'Assessori Mulas

PRESIDENTI

Dott. Maurilio Murru

cu' la parthizzipazioni di lu

SEGRETERIU GENERARI

Dott. Antonino Piredda

Sighendi la seduta, lu Presidenti poni in trattazioni l'argumentu in oggettu. Lu Sindaggu illusthra la prupostha di diribarazioni a lu Cunsigliu.

Lu Presidenti, pigliaddu attu chi la pratica à auddu pareri faburevuri a l'unanimiddai in Cummissioni, abbi la fasi di li dichiarazioni di votu.

Lu Cunsiglieri Pinna dichiarendi lu votu faburevori di lu *Partito Democratico* sobbra la pratica, fazi presenti chi lu gruppu è “dippunibiri a illisthrí finza lu caminu” chi abarà a purthà a l'approbazioni di l'altru reguramentu, tantu aisittaddu, sobbra la municipaliddai di la Nurra, finza parthizzipendi “attivamenti a frabbiggallu”.

Lu Cunsiglieri Sini dichiara lu votu faburevori di lu gruppu di *Sassari* è s o b b r a l u reguramentu chi è “un attu nezzessariu pa’ mandà a innanzi” li trabagli sobbra lu reguramentu pa’ lu funzionamentu di la municipaliddai.

Lu Cunsiglieri Daniele Deiana dichiara chi *Fratelli d'Italia* e lu collega di lu gruppu mistu so a favori “di chisthu primmu passu pa’ ciambà lu reguramentu” acchí vo “dadda l’impurthanzia giustha” a un territoriu chi n’à bisognu avveru. Credi chi sia giusthu chi a chiddu territoriu li sia attribuiddu un poggju più di autonomia e “cun fondi be’ presthabiriddi”, “pa’ pudé ivviruppà megliu li puritigghi soi”.

Lu Cunsiglieri Profili a innommu di lu gruppu “*Progetto Comune*” ipprimi “pareri faburevori a chisthu reguramentu nobu”.

Lu Cunsiglieri Palopoli dichiara lu votu faburevori di lu gruppu di “*Sassari Civica*”.

Lu Cunsiglieri Ginesu cunfomma lu votu faburevori sobbra lu reguramentu già ippressu in cummissioni.

Lu Cunsiglieri Panu, dichiarendi lu votu faburevori di *Italia in Comune* piglia attu chi uniguantri cabbigruppi di maggiuranzia ani ippressu, sigundu eddu giusthamenti, votu faburevori sobbra chistha pratica e, a lu matessi tempu, durante l’ultima Cabbigruppi, pa’ dischutí di probremi impurthanti assai di la Nurra, cumenti, pa’ dí, la mancanzia di seivvizzi essenziari, cu’ la presentazioni “di un’interpellanzia chi abaristhiami dubuddu dischutí oggi”, ani ippressu pareri non faburevori.

Lu Cunsiglieri Sias dichiara chi lu *Movimento 5 Stelle* abarà a vutà a favori di la pratica.

Lu Cunsiglieri Manca dichiara, a innommu di lu gruppu chi rappresenta, pareri faburevori.

Lu Cunsiglieri Desole dichiara lu votu faburevori di lu gruppu *Prima Sassari*.

Lu Presidenti, sigumenti nisciùn althru Cunsiglieri pedi di intervení pa’ dichiarazioni di votu, invita lu Cunsigliu a diribarà.

LU CUNSIGLIU COMUNARI

VISTHA la pruposta n. 12544 in data 15 di naddari di lu 2020 funtumadda i’ l’oggettu, prisintadda da lu Sindaggu;

PRIMISSU chi lu Cunsigliu comunari, cun diribarazioni n. 2 di lu 11 di gennaggiu di lu 2005, à, a più di l’althri cosi, approbaddu, lu “reguramentu pa’ l’erezioni diretta di li presidenti di circoscrizioni e di li cunsigli circoscrizionari”;

TENTU CONTU di lu mudifigghi di la legislazioni isthatari e regionari in tema di circoscrizioni di decentramentu comunari, fatti dabboi di diribarazioni di lu Cunsigliu comunari in prefazioni e in parthicurari:

- di la L.R. Sardhigna n. 10 di lu 18 di mazzu di lu 2011, istitutiba di una circoscrizioni rappresentatiba di li frazioni di Tottubella, La Corte, Campanedda, Palmadula, Biancareddu, Canaglia, Baratz, Argentiera;

- di la L.R. Sardhigna n. 2 di lu 4 di fribaggiu di lu 2016 cun oggettu “Riordhinu di lu sisthema di l'autonomii lucari di la Sardhigna”;
- di la L.R. Sardhigna n. 3 in data 11 di ginnaggiu di lu 2019, di istituzioni di la Municipariddai di la Nurra rappresentatiba di li frazioni di Tottubella, La Pedraia, La Corte, Campanedda, Palmadula, Biancareddu, Canaglia, Baratz, Argentiera;

RIRIBADDU chi, pa' cantu è isthaddu riferiddu, vo aduttadda una disciprina aggiornadda in materia di erezioni di lu presidenti e di lu Cunsigliu di la Municipariddai di la Nurra;

CUNSIDARADDU chi l'arthicuru 49, comma 1, sigundu periodu di l'Isthatuddu comunari cussí pribedi: “Lu Cunsigliu municipari e lu Presidenti di la Municipariddai so eriggiddi a suffragiu unibessari e direttu in un turnu erettorari unicu, cu' li modariddai pribisthi i' lu reguramentu erettorari appositu”;

VARUTADDU di introduzzí, in attuazioni di la dipposizioni funtumadda di l'Isthatuddu, una disciprina erettorari deribadda, cun adattamenti, da chidda pribistha pa' l'erezioni di lu Sindaggu e di lu Cunsigliu Comunari i' li comuni finza a 15.000 abitanti; tuttu chisthu cu' l'idea di una semprificazioni di lu sisthema erettorari, pa' adiguallu a la cunsisthenzia numerica di lu coipu erettorari di la Municipariddai e, più in generari, aduttendi un isthumentu noimatibu funzionari e in aimunia cu' li principi e li reguri di dirittu di l'enti lucari;

ASSIBISTHADDA dunca l'opportuniddai di abrogà lu “Reguramentu pa' l'erezioni diretta di li presidenti di circoscrizioni e di li cunsigli circoscrizionari” in vigori approbaddu cu' la diribarazioni cunsiliari ammintadda, la n. 2 di lu 11 di ginnaggiu di lu 2005; chisthu pa' sustituillu cu' la disciprina rinubadda, costituidda da n. 14 arthicuri, sigundu lu Reguramentu alligaddu a chisthu attu pa' assinni parthi integranti e susthanziari;

VISTHI:

- lu pareri faburevuri ippressu da la Municipariddai di la Nurra in data 4.1.2021;
- lu pareri faburevuri ippressu da la 1^a Cummissioni cunsiliari peimanenti in data 14.1.2021;
- lu D. Lgs. 18 di aosthu 2000 n. 267 e mm.ii.ss; in parthicurari, l'arthicuru 17;
- li leggi regionari Sardhigna n. 10 di lu 18 di mazzu di lu 2011, n. 2 di lu 4 di fribaggiu di lu 2016 e n. 3 di l'11 di ginnaggiu di lu 2019;
- l'Isthatuddu comunari;

RICUNNISCIDDA la so' cumpetenzia sigundu li dipposizioni noimatibi, isthatutari e reguramentari in vigori;

ASSIBISTHADDA l'opportuniddai, in sintunia cu' la prupostha tennigga fatta da l'uffizi, di pruzzidí a l'approbazioni di chistha diribarazioni pa' li finariddai in oggettu;

DADDU ATTU chi sobbra la prupostha:

- è isthaddu cumprubaddu, cun esitu faburevori, a lu matessi tempu lu cuntrollu di regurariddai amministhratiba a cura di lu Segretariu generari,
- è isthaddu ippressu lu pareri faburevori di lu reppunsabiri di lu seivvizi sobbra la regurariddai tennigga e visthu lu pareri di lu reppunsabiri di lu seivvizi finanziariu ippressu pa' la non riribanzia cuntabiri, sigundu l'arthicuru 49, comma 1, di lu decretu legislativu 267/2000 e mm. e ii. ss.;

VISTHU l'esitu unanimi di la votazioni, ippressa in collegamentu terematicu pa' ciamadda nominari e cumprubadda cu' l'assisthenzia di l'iscrutadori, li cunsiglieri Fundoni, Masia e Sini, prisenti 35, votanti e faburevori 34, lu Presidenti non piglia parthi a la votazioni,

DIRIBAREGGIA

1. di fà soi li primissi narratibi e mutibazionari a chisthu dippositibu, cunsidarendiri traiposthi inogghi di lu tuttu;
2. di abrogà lu “Reguramentu pa’ l’erezioni diretta di li presidenti di circoscrizioni e di li cunsigli circoscrizionali” approbaddu cun diribarazioni cunsiliari n. 2 di l’11 di ginnaggiu di lu 2005;
3. di approbà lu “Reguramentu pa’ l’erezioni diretta di lu presidenti e di lu cunsigliu di la municipaliddai” nobu, cumposthu da n. 14 arthicuri, alligaddu a chisthu attu pa’ fanni parthi integranti e susthanziari;
4. di dà attu chi lu “Reguramentu pa’ l’erezioni diretta di lu presidenti e di lu cunsigliu di la municipaliddai” nobu abarà a intrà in vigori sigundu l’arthicuru 1, comma 5, di l’ l’sthatuddu comunari.

Chisthu attu è aduttaddu in seduta fatta in modariddai in parthi terematica, sigundu l’arthicuru 73 di lu D.L. 18/2020 e mm.ii. e ss. e di lu provvedimento di lu Presidenti di lu Cunsigliu comunari n. 184475 di lu 19.11.2020.

Liggiddu, approbaddu e sottischrittu.

LU PRESIDENTI

LU SEGRETARIU GENERARI

Pubbriggadda i l'albo di la Comuna da lu a lu
chena opposizioni.

Sassari,

LU SEGRETARIU GENERARI

Liggiddu e approbaddu in seduta di lu
cun diribarazioni n.

La chisthioni trattadda è postha in chisthu veibari

LU PRESIDENTI

F/DDU **MURRU**

LU SEGRETARIU GENERARI

F/DDU **PULEDDA**

Copia cunfoimi a l'originari pa' usu amministhratibu.

LU SEGRETARIU GENERARI

ZERTHIFIGGADDU DI PUBBRIGGAZIONI

Lu Segretariu generari sottischrittu zerthifiggheggia chi chistha diribarazioni s'agatta in via di pubbriggazioni i l'albo di la Comuna pa' 15 dí una infattu di l'althra da lu a lu

Sassari,

LU SEGRETARIU GENERARI